

KONSEP ISLAM TERHADAP KEBUDAYAAN

Pengabdian yang mutlak pada Allah yang maha esa dalam merupakan bahagian yang pertama daripada rukun Islam yang pertama; dibuktikan dengan sahadah LA ILLAHA ILLALLAH; menatang terima kaifah dan melakukan pengabdian daripada Rasulullah SAW adalah merupakan bahagian kedua daripada rukun utama itu, yang dibuktika dengan Rasulullah MUHAMMADUR RASULULLAH sebagai mana yang kita huraikan dibawah tajuk “LA ILLAHA ILLALLAH” ialah panduan hidup.

Kita telah terangkan mengenai erti dan maksud pengabdian dan kepercayaan, undang-undang kekuasaan; maka didalam huraian ini kita akan kupad pula soal erti dan maksud “kekuasaan memerintah” dan hubungan dengan kebudayaan.

Sesungguhnya erti dan maksud “kekuasaan memerintah” didalam konsep Islam tidaklah hanya terbatas dalam bidang menerima undang-undang dan syariat daripada Allah sahaja, dan kerelaan menerima hum sekangnya berdasakkan undang-undang dan syariat sahaja, juga melaksanakan hukum serta keputusan berasas dan berpandu kepada-Nya; sebab maksud syariat dalam Islam tida terbatas dalam lingkungan undang-undang sahaja, juga tidak hanya dalam sistem pemerintahan sahaja; bahkan pemerintahan sesempit ini tidak mencakup “syariat” mengikut kehendak Islam ia merangkungi soal bentuk politik, sosial dan ekonomi dan dasar-dasar bagi semuanya itu; bagi membolehkan “ubudiah kamilah” itu menjelma di dalamnya; supaya terlaksana “pengabdian yang jitu” kepada yang maha Esa.

Ia menjelma didalam undang-undang yang mengatur realiti hidup manusia: iaitu yang biasa disebut dan dinamakan “syariat” atau “undang-undang” mengikut pengertian yang sempit dan tidak merangkumi maksud yang besar.

Seterusnya ia menjelma di dalam aspek “kebudayaan” dan kegiatan fikiran, juga didalam kegiatan seni.

Kita percaya bahawa huraian kita yang lalu mengenai “kekuasaan memerintah” yang mengandungi masalah kekuasaan melaksanakan pemerintahan, perundangan dan sebagainya, sudah cukup jelas dan difahami oleh para pembaca. Tetapi masalah kaedah-kaedah moral dan tata susila, mengenai nilai-nilai yang mempengaruhi masyarakat, mungkin belum difahami; kerana nilai-nilai dan kaedah moral yang mempengaruhi masyarakat mana-mana masyarakat pun adalah mempunyai hubungan secara lansung dengan kepercayaan hidup dan iktikad yang mempengaruhi masyarakat itu sendiri.

Boleh jadi ganjil rasanya-hatta kepada pakar-pakar penyelidik hal Islam terdiri sendiri pun mempertahankan kegiatan berfikir dan kegiatan kesenian kepada konsep Islam dan kepada sumber yang berasaskan ketuhanan.

Masalah perlunya dirujukkan kegiatan fikiran manusia dan konsep Islam, bagi melaksanakan pengabdian seluruhnya kepada Allah, perlulah kita memberi penjelasan; kerana masalah ini mearupakan suatu masalah yang asing dan ganjil dikalangan para pembaca dizaman ini, hatta dikalangan orang-orang Islam.

Adapun masalah yang berkaitan dengan pengertian segenap aktiviti manusia, samaada secara individu atau masyarakat, iaitu perkara-perkara yang berkaitan dengan pandangan kepada diri manusia itu sendiri, dan kepada “aktiviti perkembangan sejarah manusia” dan juga masalah bagaimana hidup ini, bagaimana mulanya alam ini terjadi, bagaimana manusia ini dijadikan, dari segi mentafisik, maka persoalannya adalah sama persoalannya masalah yang mengenai undang-undang mengenai kekuasaan yang mengatur seluruh kehidupan, kerana ia langsung mengenai akidah dan konsep, maka tidak bolehlah seorang Islam mencedok atau mempelajarinya melainkan melalui seprang muslim yang dipercayai keteguhan iman dan taqwanya dan juga diyakini dia menerima secara langsung daripada Allah SWT, iaitu Rasulullah SAW dan dia

mengetahui pula itu adalah salah satu logik ubudiyah kepada Allah yang maha Esa atau pun logik shahadah LA ILAAHA ILLALLAH dan MUHAMMADUR RASULULLAH.

Diluar daripad persoalan ilmu sains yang berdasarkan praktikal dan statistik yang pasti (dikenal juga dengan nama “ilmu pasti”) yang dibolehkan oleh Islam setiap muslim itu mencedok dan menimbanya daripada mana-mana sumber, sama ada sumber orang muslim yang salih dan takwa atau seorang muslim yang kurang salih dan takwa, pun juga dari seorang bukan muslim, dan Islam mengiktirafkan ilmu itu sebagai milik seluruh manusia, sebagai alat meneroka kemajuan Islam maka Islam hanya mengenal dua sahaja bentuk kebudayaan dan ilmu pengetahuan

Pertama:

Kebudayaan/ilmu pengetahuan Islam: iaitu ilmu yang bersumber daripada asas dan konsep Islam. Ilmu pengetahuan Islam meliputi segenap aktiviti fikiran dan realiti hidup manusia, yang mempunyai kaedah dan dasar tersendiri bagi menjamin berkembangnya aktiviti itu selama-lamanya.

Kedua:

Kebudayaan/ ilmu pengetahuan jahiliah, iaitu kebudayaan yang mempertahankan fikiran manusia sebagai ganti Tuhan.

AKIDAH: RUPA BANGSA MUSLIM

Islam datang membawa satu konsep baru untuk umat manusia; konsep mengenai hakikat segala tali temali dan alat penghubung. Serentak dengan itu Islam juga membawa satu konsep baru mengenai hakikat nilai-nilai dan hakikat dari manakah nilai-nilai itu perlu ditatang- terima.

Islam datang untuk membawa umat kembali kepangkuan Tuhannya; juga untuk menjadi kuasa Tuhan itu sebagai kuasa yang tunggal tempat manusia mencedok dan mendapatkan nilai-nilai, seperti mana wujud manusia itu beroleh wujud dan hidup dirinya; juga tempat manusia kembali, seperti juga dari ibarat-Nya manusia merangkak keluar kedunia dan kepangkuan-Nya manusia menyusur kembali.

Islam datang untuk menetapkan bahawa di sana hanya satu sahaja tali alat penghubung yang menghubungkan manusia dengan Tuhan. Bila sahaja tali itu reput dan putus maka tiadalah lagi tali yang lain.

لَا تَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُّونَ مَنْ حَادَّ اللَّهَ وَرَسُولَهُ، وَلَوْ كَانُوا آبَاءَهُمْ أَوْ أَبْنَاءَهُمْ أَوْ إِخْوَانَهُمْ أَوْ عَشِيرَتَهُمْ

Maksudnya: *Kamu tidak akan mendapati sesuatu kaum yang beriman*

kepada Allah dan hari akhirat, saling berkasih sayang dengan orang-orang yang mengenal Allah dan Rasul-Nya, sekalipun orang-orang itu ibu bapa, anak-anak atau saudara mara, atau keluarga mereka. (Almujaddalah:22)

Disana juga hanya satu sahaja golongan Allah yang tida duanya, manakala golongan-golongan lain adalah golongan syaitan dan taghut.

Firman Allah:

الَّذِينَ آمَنُوا يُقَاتِلُونَ فِي سَبِيلِ اللَّهِ، وَالَّذِينَ كَفَرُوا يُقَاتِلُونَ فِي سَبِيلِ الطَّاغُوتِ، فَقاتِلُوا
أَوْلِيَاءَ الشَّيْطَانِ، إِنَّ كَيْدَ الشَّيْطَانِ كَانَ ضَعِيفًا

Maksudnya: *Orang-orang yang beriman itu berperang dijalan Allah; dan orang-orang yang kafir itu berperang dijalan taghut, sebab itu perangilah kawan-kawan syaitan itu, kerana sesungguhnya tipu daya syaitan itu adalah lemah [An Nisa’ :76]*

رَبَّنَا رَبَّ السَّمَوَاتِ: عَلَى قُلُوبِهِمَا دَقَامُوا فَقَالُوا إِنَّهُمْ فَتِيَةٌ آمَنُوا بِرَبِّهِمْ وَزِدَعُمُ هُدًى، وَرَبَطْنَا
هُوَ لِ قَوْمُنَا اتَّخَذُوا مِنِّي دُونِهِ آلِهَةً، لَوْلَا يَا وَالْأَرْضُ، لَنْ نَدْعُوا مِنْ دُونِهِ آلِهَةً لَقَدْ قُلْنَا إِذَا شَطَطًا

إِلَّا فَمَنْ أَظْلَمُ مِمَّنْ افْتَرَى عَلَى اللَّهِ كَذِبًا؟ وَإِذَا اعْتَزَلَ لْتُمُوهُمْ وَمَا يَعْبُدُونَ ! تَوْنٌ عَلَيْهِمْ يَسْلُطَانِ بَيْنَ وَيَهِيَّ عَثَ لُضْكُمْ مِنْ أَمْرِكُمْ مَرَقًا فَأَوْوَا إِلَى الْكَهْفِ يَنْشُرْكُمْ رَبُّكُمْ مِنْ رَحْمَتِهِ -الهُ

Maksudnya: Kami ceritakan kisah mereka kepadamu [Muhammad] dengan sebenarnya; sesungguhnya mereka itu adalah pemuda-pemuda yang beriman kepada Tuhan meeka dan kami tambahkan kepada mereka petunjuk. Kami telah meneguhkan hati mereka di waktu berdiri lalu mereka berkata: “ Tuhan kami adalah Tuhan lanigt dan bumi; kami sekali-kali tidak menyeru Tuhan selain dia, kerana jika tidak demikian maka sesungguhnya kami telah mengucapkan perkataan yang amat jauh dari kebenaran. Kaum kami telah menjadikan selain Dia sebagai tuhan-tuhan untuk di sembah. Mengapa mereka tidak mengemukakan alasan yang terang, [tentang kepercayaan mereka]? Siapa yang lebih zalimdaripada orang-orang yang mengadakan kebohongan terhadap Allah? Dan apabila kamu meninggalkan mereka dan apa yang mereka sembah selain dari Allah, maka carilah tempat perlindungan ke dalam gua itu nescaya tuhanmu akan melimpahkan sebahagian rahmat-Nya kepadamu dan menyediakan kepadamu yang berguna bagimu di dalam urusan kamu.

(Al-Kahfi:13-16)

Sebaliknya isteri Firaun berbeza sekali keadaanya kedua-dua orang isteri Nabi Nuh dan Nabi Lut; sia beroleh kebahagiaan menjadi orang beriman ditengah-tengah kemewahan suaminya yang derhaka kepada Allah; ceritanya juga dikemukakan bagi dijadikan pengajaran.:

رَبِّ ابْنِ لِي عِنْدَكَ بَيْتًا فِي الْجَنَّةِ، وَنَخِّنِي مِنْ أَمْرَةِ فِرْعَوْنَ إِذْ قَالَتْ وَضَرَبَ اللَّهُ مَثَلًا لِلَّذِينَ آمَنُوا فِرْعَوْنَ وَعَمَلِهِ، وَنَجِّنِي مِنَ الْقَوْمِ الظَّالِمِينَ

Maksudnya: “Allah membuat isteri Firaun menjadi perumpamaan bagi ornag-orang yang beriman, ketika ia berkata: “Ya Tuahnku bangunkanlah untukku sebuah rumah di sisi-Mu dalam syurga dan selamatkan aku dari Firaun dan perbuatnnya dan selamatkanlah aku dari kaum yang zalim.”

(At-Tahrim: 11)

Demikianlah contoh perbandingan mengenai betapa putus terhurai dari pecah berkecainya perhubungan antara manusia dengan manusia; baik diantara anak dengan bapak di dalam kisah Nabi Nuh dan putera kesayangannya, antara anak dengan bapak dan kampung halaman di dalam kisah Nabi Ibrahim dengan ayah dab kaumnya, perhubungan diantara keluarga sahabat handai dan kampung halaman sekali gus di dalam kisah permuda-permuda penghuni gua (Ashabul Kahfi), dan seterusnya perhubungan cinta kasih suami isteri serumah tangga di dalam kisah isteri Nabi Nuh, isteri Nabi Lut dan isteri Firaun putusnya segala perhubungan itu justeru kerana perbezaaan akidah dan iman.

Demikianlah pula belalunya angkatan perjuang-perjuang iman disepanjang hayat uamt manusia, silih berganti menghiasi lembaran sejarah, menjadi suri tauladan dan cermin perbandingan mengenai keteguhan imam, mengenai ketegasan memegang pendirian dijalan kebenaran, mengenai kesetiaan memegang akidah tauhid menghayati sifat tegas memegang prinsip, tidak kenal tawar menawar tidak sudi bertolak ansur malah tiada nilai hubungan darah, tiada nilai hubungan cinta dan rumah tangga. Bila imam telah menghayati hati dan nadi semuanya sanggup diterima dan dihadapi. Pertemuan dan perpisahan antara manusia dan manusia menjadi nilainya bila pertemuan antara manusia dengan khaliqnya yang mengamit.

Sejak itu maka negara bagi setiap muslim itu bukanlah tanah dan air tetapi Islam, negara mana di dalamnya berdaulat akidah Islam dan berpuasa di dalamnya syariat Allah sahaja, negara mana setiap orang muslim menumpahkan taat setianya dan sanggup mempertahankannya, rela mati berkuah darah dan gugur syahid untuk mempertahankan negara itu dari segala ancaman dan pencerobohan dan untuk melebarkan lagi sayapnya mendaulatkan syariat Allah di seluruh pelusuk dunia. Negara Islam bagi setiap orang yang menghayati Islam sebagai akidah dan syariat; juga bagi setiap orang yang rela dan patuh menerima syariat Islam menjadi undang-undang negara, walaupun dia sendiri bukan seorang penganut agama Islam seperti halnya penganut berbagai agama lain hidup aman damai di bawah lindungan pemerintahan Islam berabad-abad

lamanya. Manakala negara yang di dalamnya syariat Allah tidak di daulatkan dan ajaran Islam tidak disanjung tinggi dan di patuhi maka negara itu adalah sebuah negara harbi bagi setiap muslim dan juga bagi orang dzimmi dan mu'ahad, si muslim wajib memusuhinya walaupun negara itu menjadi tempat kelahirannya, dan walaupun di dalam negara itu ramai kaum keluarga dan sahabat handai, juga harta benda dan keperluan hidupnya.

Nah inilah Islam itu dan beginilah ia. Islam bukan sekadar suatu perkataan yang disebut dilidah sahaja, bukan pula bererti kelahiran seseorang di dalam sebuah negeri tertentu yang disebut sebagai negeri Islam dan mempunyai logo keislaman, juga tidak bererti kelahiran seorang yang ibu bapanya muslim.

Firman:

فَلَا وَرَبُّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ، ثُمَّ لَا يَجِدُوا فِي أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا

Maksudnya: Maka demi tuhanmu, mereka pada hakikatnya tidak beriman hingga mereka menjadikan kamu hakim terhadap perkara yang mereka perselisihkan, kemudian mereka tidak merasakan di dalam hati mereka suatu keberatan terhadap keputusan yang kamu berikan, dan mereka menerima dengan sepenuhnya. [An Nisa': 65]

بَلْ مِلَّةَ إِبْرَاهِيمَ حَنِيفًا وَمَا كَانَ مِنَ الْمُشْرِكِينَ: قُلْ. وَآ هُودًا أَوْ نَصَارَى تَهْتَدُوا كُودٌ: وَقَالُوا

Maksudnya: Dan mereka berkata; "Hendaklah kamu menjadi penganut agama Yahudi dan Nasrani, nescaya kamu mendapat petunjuk." Katakanlah: "tidak, melainkan kamu mengikuti agama Ibrahim yang lurus dan bukanlah dia [Ibrahim] dari golongan orang yang musyrik." Katakanlah [hai orang-orang mukmin]: "kami beriman kepada Allah dan apa yang diturunkan kepada kami, dan apa yang diturunkan kepada Ibrahim, Ismail dan Ishaq, Ya'kob dan anak-cucunya, dan apa yang diberikan kepada Musa dan Isa serta apa yang diberikan kepada Nabi-Nabi dari Tuhannya. Kami tidak membezakan-bezakan seorang pun dari mereka dan kami hanya tunduk patuh kepada-Nya, sungguh mereka telah mendapat petunjuk; dan jika mereka berpaling, sesungguhnya mereka berada dalam permusuhan [dengan kamu]. Maka Allah akan memelihara kamu dari mereka. Dan Allah Maha Mendengar lagi Maha Mengetahui. Sibghah Allah. Dan kepada-Nyalah kami menyembah. [Al Baqarah: 135-138]

Adapun bangsa yang menjadi pilihan Allah yang sebenar ialah bangsa MUSLIM yang hidupnya terus menerus di bawah bayangan panji-panji Allah; walaupun mereka berlainan bangsa dan warna kulit serta bumi tempat berpijak. Firman:

كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ وَالْأَلْوَانِ وَالْأَوْطَانِ وَتُؤْمِنُونَ بِاللَّهِ

Maksudnya: Kamu adalah umat yang terbaik yang dilahirkan untuk manusia, menyeru kepada ma'aruf, dan mencegah daripada yang mungkar dan beriman dengan Allah. (Aali Imran: 110)

Umat yang dirintis perjalanannya dan dipelopori pembentukannya oleh Abu Bakar bangsa Arab, Bilal bangsa Negro (Habsyi) Suhaib orang Romawi dan Salman bangsa Parsi serta saudara-saudara mereka yang budiman; yang jejak mereka telah diikuti oleh beberapa generasi lagi selepas mereka, dengan Islam menjadi negara mereka, Allah menjadi pemerintah mereka dan Al-Quran sebagai Perlembagaan mereka.

Inilah dia konsep yang tinggi nilainya mengenai negara, rupa bangsa dan keluarga yang sayugia menjadi pedoman yang menguasai hati setiap orang pendakwah kepada agama Allah, yang sayugia diberitahu dengan terang dan lantangnyanya kepada eluruh umat manusia, supaya tidak bercampur baur dengan penyelewengan yang dibawa konsep ala jahiliyah dan diseludup secara senyap-senyap; juga tidak diserapi oleh berbagai bentuk syirik yang tersembunyi (syirik kahfi), yaitu mensyirikkan Allah SWT dengan tanah, dengan bangsa, dengan kaum, dengan keturunan, dan syirik dengan berbagai kepentingan yang kecil-kecil untuk keperluan jangka pendek; syirik yang telah dikumpulkan Allah sebelah tangan, dan diletakkannya iman disebelah tangan yang lain, lalu disuruh manusia memilihnya sendiri.

Firman Allah:

كُمُ وَأَبْنَاؤُكُمْ وَإِخْوَانُكُمْ وَأَزْوَاجُكُمْ وَعَشِيرَتُكُمْ، وَأَمْوَالٌ اقْتَرَبْتُمُوهَا، وَتِجَارَةٌ تَخْشَوْنَ إِن كَانَ أَبَاؤُكُمْ قُلُومًا وَمَسَاكِينُ تَرْضَوْنَهَا، أَحَبَّ إِلَيْكُمْ مِنَ اللَّهِ وَرَسُولِهِ وَجِهَادٍ فِي سَبِيلِ اللَّهِ، فَتَرَبَّصُوا حَتَّى يَكْسَادَهَا وَاللَّهُ يَهْدِي الْقَوْمَ الْفَاسِقِينَ... يَأْتِي اللَّهُ بِأَمْرِهِ

Maksudnya: *Katakanlah; "Jika bapa-bapa, anak-anak, saudara-saudara, isteri-isteri, kaum keluargamu, harta kekayaan yang kamu usahakan, perniagaan yang kamu khawatiri kerugiannya dan rumah-rumah tempat tinggal yang kamu sukai, adalah lebih baik kamu cintai daripada Allah dan Rasul-Nya dan dari berjihad di jalan-Nya, maka tunggulah sampai Allah mendatangkan keputusan-Nya. Allah tidak memberi pimpinan kepada orang-orang fasik."*

(At Tubah: 24)

Demikian juga tidak sayugia sama sekali timbulnya rasa ragu dan syal wasangka mengenai hakikat jahiliyah dan hakikat Islam didalam hati para pendakwah Islam; begitu juga mengenai ciri-ciri negara musuh dan dengan konsep negara Islam; sebab sering berlaku kekeliruan mengenai ini. Setiap pendakwah mesti meyakinkan diri sendiri untuk ditanam keyakinan kepada orang-bahawa: tiada Islam didalam negara yang tidak dikuasai oleh Islam dan tidak berjalan didalam syariat Allah dan tiada negara Islam selain daripada dikuasai oleh Islam segenap urusan pemerintahannya syariat Allah tiada negara Islam kecuali negara yang menghayati Islam, yang berkuasa didalam programnya dan undang-undangnya. Perlu benar diyakinkan bahawa tiada alternatif bagi iaman selain daripada kufur; tiada alternatif lain bagi Islam selain daripada jahiliyyah dan tiada alternatif lain bagi kebenaran melainkan kesesatan jua.

JARAKNYA JAUH

Ada satu fakta penting yang perlu kita jadikan pedoman dalam gerakan dakwah, sama ada dakwah di kalangan orang-orang yang sudah menganut Islam atau belum. Fakta itu terbit daripada tabiat dan sejarah itu sendiri.

Fakta yang dimaksudkan itu ialah bahawa Islam itu adalah merupakan suatu konsep yang lengkap mengenai pengertian wujud dan hidup, suatu konsep yang mempunyai ciri-ciri tertentu. Konsep itu kemudiannya melahirkan suatu program tersendiri mengenai seluruh aspek kehidupan; program yang menjadi dasar kepada suatu sistem yang unik.

Tugas utama Islam ialah membentuk hidup manusia; hidup yang selaras dengan konsep ini, dan menjelmakan konsep ini ke dalam alam realiti di samping menegakkan peraturan Ilahi yang telah digariskan oleh Allah SWT dan mampu melahirkan umat Islam yang menjadi model bagi terlaksananya peraturan Ilahi itu.

Allah berfirman:

كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ

Maksudnya : *Kamu adalah umat yang terbaik yang dilahirkan untuk manusia, menyuruh kepada yang ma'ruf dan mencegah dari yang mungkar dan beriman kepada Allah.*

Mengenai sifat umat Islam yang sebenar, Allah telah memberikan gambaran yang terang :

الَّذِينَ مَكَانَهُمْ فِي الْأَرْضِ أَقَامُوا الصَّلَاةَ وَآتَوُا الزَّكَاةَ وَأَمَرُوا بِالْمَعْرُوفِ وَنَهَوْا عَنِ الْمُنْكَرِ

Maksudnya: *Orang-orang yang jika Kami teguhkan kedudukan mereka di muka bumi nescaya mereka mendirikan sembahyang, menunaikan zakat, menyuruh berbuat ma'ruf dan mencegah dari yang mungkar dan kepada Allah lah kembali segala urusan.*

Sesungguhnya Islam tidak dapat menerima cara penyelesaian yang berbentuk separuh masa pergeserannya dengan jahiliyyah baik penyelesaian di bidang konsep mahupun penyelesaian di bidang realiti yang di hasilkan oleh konsep itu. Penyelesaiannya satu sahaja sama ada Islam yang menang atau jahiliyyah hancur berkecai atau sebaliknya. Tidak ada penyelesaian separuh masak, tidak ada perkongsian di dalam penyelesaian berbentuk separuh Islam dan separuh jahiliyyah. Yang ada hanya sama ada Islam atau jahiliyyah. Islam selamanya memendang bahawa hak dan kebenaran satu sahaja, tiada dua baginya dan yang lain daripada yang hak itu

ialah kebatilan tiada titik pertemuan antara keduanya yang ada ialah hukum Allah dan hukum jahiliyyah - syariat Allah atau hawa nafsu.

Memang dua sahaja perkaranya, tiada tiga; iaitu sama ada mematuhi suruhan Allah dan Rasul-Nya atau mematuhi hawa nafsu. Sama ada melaksanakan hukum yang Allah turunkan dengan amanah atau menyelewengkan peraturan yang telah Allah tetapkan. Tiada lagi sebarang dalih atau alasan boleh di kemukakan untuk melepaskan diri dari ketetapan yang begitu jelas dan pemutus dari Allah itu.

Dari keterangan diatas nyatalah bahawa tugas Islam ialah menyingkirkan jahiliyyah dari sebarang peranan memimpin umat manusia dan mengambil alih peranan yang sedang dilakukan oleh jahiliyyah di dalam urusan yang di sebutkan itu dan melaksanakan peranan memegang pimpinan umat manusia itu dengan berpandukan program Islam itu sendiri, pimpinan yang bermatlamatkan kebahagiaan abadi bagi seluruh umat manusia juga bermatlamatkan kebajikan sejati kepada mereka, dengan cara membawa mereka kembali ke jalan Tuhannya. Demikian juga tugas Islam itu untuk membawa umat manusia keluar dari alam yang rendah kealam yang tinggi dan membebaskan mereka dari pemerintahan hawa nafsu.

Adalah menjadi suatu kewajipan kita untuk tidak untuk tidak membiarkan umat manusia terus menerus di kelirukan. Kita berkewajipan memberi pengertian kepada mereka bahawa Islam itu bukanlah hanya satu aliran fikiran atau isme mengenai realiti kehidupan manusia. Islam adalah Islam. Islam dengan keperibadiannya tersendiri dan konsepnya yang bebas dan tidak terikat kepada mana- mana jua konsep duniawi. Islam mampu melahirkan suatu realiti yang baik daripada yang diimpikan oleh umat manusia. Islam yang tinggi nilainya, yang suci dan murni, terpancar indah dari sumber asli daripada Allah yang maha besar dan maha agung.

Apabila kita mengerti dan faham akan hakikat Islam seperti yang kita huraikan tadi maka secara automatik pengertian dan faham kita itu akan memberikan kekuatan dan daya untuk mengemukakan Islam kepada umat manusia dengan cara terbuka dan suara yang nyaring. Pengertian dan kefahaman itu memberi keyakinan bahawa apa yang ada pada kita ialah kebenaran muylak dan apa yang masih dipegang oleh manusia jahiliyyah itu ialah kebatilan. Pengertian dan kefahaman itu juga akan menimbulkan rasa kasihan kita melihat umat manusia yang sedang hidup di dalam kesesatan dan timbul rasa kewajipan untuk mengajak dan membimbing mereka ke jalan kebenaran, akan timbul pula rasa simpati yang mendalam, yang menggamit kita untuk berusaha menyampaikan seruan hidayah Illahi kepada mereka.

Begitulah hendaknya kita katakan kepada umat manusia pada ketika kita mengemukakan Islam kepada mereka, kerana ini adalah suatu hakikat dan kerana inilah bentuk percakapan yang Islam mula- mula kemukakan pada manusia dahulu, baik di semenanjung Arabia, di Parsi atau di Rome. Dan dimana- mana sahaja Islam menyampaikan dakwahnya.

Dakwah ini tidak dimulakan di dalam suasana dan situasi yang lebih baik daripada suasana dan situasi yang ada sekarang. Ia tidak dihiraukan orang pada hari permulaannya. Ia terkurung di lorong- lorong gelap dan sempit Mekah sahaja. Dan terhad dalam karangan orang bawahan dan miskin, jauh dari kalangan pembesar dan hartawan yang berpengaruh. Pada zamannya, ia merupakan satu benda yang aneh pada selera orang ramai, tersisih dan tersepit antara dua generasi dunia. Empayar- empayar besar yang kesemuanya menentang konsep yang dibawanya.

Namun demikian dakwah ini cukup kuat, seperti ia kuat pada hari ini dan akan tetap kuat juga besok dan sepanjang zaman sebab unsur- unsur kekuatan memang ada terpendam di dalam tabiat akidahnya sendiri. Rahsia kebenarannya tersembunyi dalam bentuk kesederhanaan yang menjadi asas bagi gerakannya. Kekuatannya juga tersembunyi dalam tabiatnya yang selaras dengan fitrah dan juga tersembunyi disebalik kemampuannya membimbing umat manusia mendaki puncak kemajuan dalam segenap peringkat hidup manusia, baik dalam tahap man sekalipun manusia itu berada baik dilapangan ekonomi, sosial dan kebudayaan. Malah ia tetap menyuarakan kebenaran dengan nyaring di samping memberi kesedaran kepada manusia bahawa ia membawa kebajikan, rahmat dan berkat.

Sesungguhnya tekanan konsep dan realiti bercorak kemasyarakatan adalah merupakan suatu tekanan yang berat, terutama sekali dikalangan kaum wanita. Memang berat sekali pengaruh tekanan itu keatas wanita Islam. Tetapi kita berpantang mundur. Pertama sekali kita perlu tetap dan tegas pendirian kemudian kita buktikan kebaikan dan kesucia Islam, supaya pihak jahiliyyah dapat melihat betapa rendah dan betapa kotornya realiti berbanding dengan kesucian dan kehormatan yang hendak kita tegakkan sebagai gantinya itu. Yang paling penting sekali ialah berpindahnya para penganut jahiliyyah kepada pangkuan Islam, sama ada para oenganut jahiliyyah itu terdiri daripada orang yang sedang menghuni negeri atau negara yang di namakan sebagai negara Islam, ataupun dari kalangan orang yang menganggap diri mereka telah menjadi orang Islam, atau mereka tinggal di negara yang bukan Islam, mereka keluar meninggalkan jahiliyyah itu jauh-jauh dan ikut menghayati nikmat Islam seperti kita dan seperti yang kita sedang perjuangkan perlaksanaannya. Kalau tidak, tiada ucapan lain yang dapat diucapkan kepada mereka selain yang diarah oleh Allah kepada Rasul-Nya:

لَكُمْ دِينُكُمْ وَلِيَٰدِينِ

Untukmulah agamamu, dan untukkulah agamaku... (Al-Kafirun 6)

KEAGUNGAN IMAN

وَلَا تَهِنُوا وَلَا تَحْزَنُوا وَأَنْتُمْ الْأَعْلَوْنَ إِنْ كُنْتُمْ مُؤْمِنِينَ

Janganlah kamu bersikap lemah dan janganlah kamu bersedih hati, padahal kamulah orang-orang yang paling tinggi darjatnya, jika kamu orang yang beriman. (Ali Imran 139)

Masalah yang mula-mula sekali terlintas di dalam ingatan dengan membaca arahan Allah melalui ayat ini ialah masalah jihad dalam bentuk perang. Tetapi arahan ini sebenarnya mempunyai hakikat dan jangkauan yang lebih jauh lagi.

Arahan Ini menggambarkan bagaimanakah mestinya sikap seseorang beriman itu terhadap segala sesuatu; bagaimanakah semestinya perasaan, konsep dan penilaiannya terhadap masalah-masalah, terhadap peristiwa-peristiwa dan juga terhadap individu, pada keseluruhannya.

Arahan ini juga menggambarkan perasaan mulia dan agung, yang semestinya menjadi pegangan orang beriman di dalam menghadapi setiap kemungkinan; iaitu di dalam menghadapi setiap realiti, setiap nilai dan setiap orang manusia, perasaan mulia dan agung memegang iman dan nilainya yang mengatasi segala bentuk nilai yang datang dari sumber yang lain.

Perasaan agung dan mulia dalam menghadapi seluruh tenaga yang menyeleweng dari panduan iman dalam menghadapi seluruh nilai yang tidak bersumberkan iman, menghadapi adat resam yang tidak berpandukan iman menghadapi undang-undang yang tidak berorientasikan iman, segala macam bentuk realiti yang tidak dihayati iman.

Perasaan agung dan mulia di dalam keadaan hidup masih lemah, pengikut masih kurang, wang masih kering itu sebenarnya sama sahaja bentuknyadengan perasaan agung dan mulia ketika sedang berada dipuncak kekuatan, pengaruh dan kekayaan.

Rasa agung dan mulia yang tidak mengenal mundur bila terhadap dengan kekuasaan yang ganas, dengan tadisi sosial yang pincang, dengan perundangan yang batil dan dengan realiti yang popular dan disukai masyarakat, tetapi bertentangan dengan konsep iman.

Sikap pandu dan teguh di dalam berjihad, adalah merupakan sebahagian dari rasa agung dan mulia yang dimaksudkan oleh arahan Illahi di atas.

Perasaan agung dan mulia ialah iman itu bukanlah bererti keazaman yang mutlak, yang hanya membuak di dalam hati sahaja, atau bukanlah bererti keazaman yang mutlak, yang hanya membuak di dalam hati sahaja atau bererti semangat berkobar-kobar tak tentu, atau sikap hangat-hangat tahi ayam; tetapi ia sebenarnya bererti rasa agung dan mulia berdasarkan kebenaran hakiki kebenaran yang sehati dengan tabiat alam. Kebenaran yang tetap hidup walaupun dicabar oleh kekuatan, oleh konsep dan realiti kebenaran atau hak yang bersambung dengan Allah Yang Maha Hidup dan tidak mengenal mati.

Setiap masyarakat itu memang mempunyai cara berfikir sendiri, memang mempunyai adat sendiri yang sangat berpengaruh; memang juga mempunyai nilai - nilai yang sukar ditentang; nilai- nilai yang menekan setiap anggota masyarakat supaya terikat dengannya. Cara berfikir, adat resam dan nilai itu menekan setiap orang yang tidak mempunyai persediaan yang kukuh. Begitu juga yang sedang berakar tunjang di dalam masyarakat, memang mempunyai ikatan yang kukuh dan kuat yang sukar dikikis tanpa hadapi dengan suatu konsep yang tebal, yang divedok dari sumber Illahi.

Setiap orang yang menentang harus masyarakat, yang menentang secara berfikir masyarakat, menentang adat resam, nilai hidup, fikiran konsepnya menentang penyelewengnya, tentunya akan merasa tersisih dan sedih hati kalau dia tidak berpegang kepada dahan yang lebih kukuh dari manusia itu sendiri, lebih teguh daripada bumi dan lebih agung daripada hidup itu sendiri. Kerana Allah pasti tidak akan membiarkan orang yang beriman keorangan menghadapi tekanan, kesepian menanggung beban yang berat itu, oleh kerana itulah arahan seperti ini diturunkan:

وَلَا تَهِنُوا وَلَا تَحْزَنُوا وَأَنْتُمْ الْأَعْلَوْنَ إِنْ كُنْتُمْ مُؤْمِنِينَ

Maksudnya: *Jangan kamu bersikap lemah, dan janganlah kamu bersedih hati, padahal kamulah orang-orang yang paling tinggi darjatnya, jika kamu orang-orang yang beriman.* (Al Imran: 139).

Arahan seperti ini datang untuk menghadapi rasa lemah dan dukacita (sedih) iaitu dua jenis perasaan yang selalu menghayati peragaan tiap orang yang menjalankan tugas-tugas dakwah ke jalan kebenaran; menghadapinya dengan rasa agung dan mulia disamping bersabar dan teguh memegang pendirian; rasa bangga yang tercetus dari hati orang berjiwa besar, orang yang tak gentar menghadapi ujian hidup. Orang yang tidak gentar menghadapi kezaliman yang sedang berkuasa dan realiti hidup yang sedang berpengaruh, juga majoriti manusia yang lebih memihak kepada yang sesat.

Sesungguhnya orang yang beriman itulah orang yang paling tinggi darjatnya, paling tinggi darjat tempat pergantungannya apakah nilai dunia seluruhnya, manusia sekeliannya, nilai yang besar pengaruhnya dan pandangan-pandangan hidup manusia sedangkan dia menatang-terima tugasnya daripada Allah dan akan melaporkan hasilnya di hadapan Allah dan dia menghayati program Allah?

Orang beriman itulah orang yang paling mulia fahamannya, paling mulia konsepnya terhadap hakikat wujud dan hakikat keimanan kepada Allah yang Maha Agung di dalam bentuk yang dibawa oleh Islam; itulah konsep yang paling lengkap untuk mencapai hakikat yang agung. Seandainya dibandingkan syariat dan pegangan hidup orang beriman itu dengan kemajuan ilmu pengetahuan umat manusia sejak zaman purbakala hingga ke zaman moden ini maka perbandingannya tak ubah seperti coretan seorang kanak-kanak kecil atau lukisan orang buta dibandingkan dengan lukisan karya pelukis anggun berkaliber antara bangsa.

Pendek kata orang beriman itulah orang yang paling tinggi darjatnya, yang paling mulia dan agung dari segi: konsep, dari segi hati nurani dan perasaan, dari syariat dan sistem hidup, kerana ia menatang terima dan mencedok semuanya itu daripada Allah SWT perciptaan alam emesta.

Abu Osman An-Nahdi telah menceritakan: bila Al Mughirah tiba di Qantarah, beliau pun terus menyeberang sungai tujuannya hendak berjumpa dengan orang Parsi yang mengajak beliau berunding. Setelah beliau sampai maka orang-orang (pegawai-pegawai tentera) Parsi pun menyuruh beliau duduk dan meminta kebenaran Rustam untuk berjumpa dengan beliau. Orang-orang Parsi itu tidak mengubah suatu apa pun, baik pakaian dan tempat tinggal mereka sertakan lambang kebesaran kerajaan mereka, sebagai bukti bahawa mereka tidak merasa tidak gentar menghadapi tentera Islam. Al-Mughirah masuk ke dalam khemah pamglima itu, sedangkan orang Parsi tidak menunjukkan sebarang perubahan sikap mereka masih berpakaian yang indah-indah dengan memakai topi berbentuk mahkota, baju-baju yang bersulam emas. Hampanan permaidani pun begitu indah dan hebat; Al-Mughirah masuk terus ke dalam khemah itu melalui permaidani

yang terhampar indah ingga beliau sampai ke kerusi besar tempat duduk Rustam, lalu terus duduk di atas kerusi besar. Sikap dan kelakuan Al-Mughirah itu telah menimbulkan kemarahan pegawai-pegawai Parsi; lalu mereka menerpa ke arahnya sambil mengheretnya turun dari kerusi itu dengan sikap sombong dan angkuh dan dengan caci maki dan sumpah seranah. Meelihat dan mengalami layanan Al-Mughirah pun menjawab cacian mereka dengan mengatakan: Mengikuti berita dan khabar yang sampai kepada kami, tuan-tuan semua ini orang-orang baik-baik, berbudi bahasa dan beradab, tapi rupanya setelah melihat sendiri tahulah saya bahawa tidak ada satu bangsa pun yang lebih biadap daripada kamu. Kami orang Arab adalah bersaudara dan tidak ada sifat pengabdian iri kepada sesama manusia, kecuali di dalam saat peperangan. Sebelum ini saya sendiri pun menyangka bahawa kamu juga seperti kami, saling hormat menghormati dan berkasih mesra. Sebenarnya lebih baik kamu ceritaka berterus terang kepadaku bahawa segolongan daripada kamu menjadi Tuhan bagi golongan yang lain; lebih baik kamu berterus terang seperti itu daripada kamu melakukan perbuatan biadap terhadapku seperti tadi, dan lebih baik kamu beritahu terlebih dahulu bahawa perbuatan seperti yang aku lakukan tadi tidak boleh dilakukan ditempat kamu. Sebab sesungguhnya bukanlah aku sengaja memandai-mandai mencari kamu untuk meminta berunding; tapi kamulah yang telah menjemput aku datang ke mari. Sekarang tahulah aku bahawa kamu sedang dalam keadaan kacau bilau dan kucar-kacirdan aku sudah dapat pastikan bahawa kamu akan kalah di dalam pertempuran dengan kami; sebab tiada seorangpun raja atau pemerintahan yang boleh tahan lama dan menang memakai cara hidup seperti ini.”

Lihatlah pula bagaimana sikap Rab'a bin Amir dan kawan-kawannya di hadapan Rustam menjelang pertempuran di medan Qadisiyah.

Saad bin Abi Waqqas, Panglima tentera Islam dalam perang Qadisiyah telah menghantar Rab'a bin Amir sebagai utusannya mngadap Rustam, panglima tentera Parsi, yang juga seorang anak raja Parsi. Lalu Rab'a bin Amir pun masuk ke dalam bilik pejabat Rustam yang di hias begitu cantik, dengan bantal baldu bersulam dan hamparan permaidani yang indah. Rustam sendiri pula kelihatan memakai pakaian kebesaran bertahta berlian dan mahkota di kepalanya, sambil duduk di atas katil emas. Rab'a masuk dengan berpakaian biasa sahaja, dari kain yang kasar dan bersenjatakan sebuah perisai. Beliau menunggang kudanya terus ke dalam majlis perjumpaan dengan Rustam itu hingga sampai terus ke atas hamparan permaidani; lalu beliau turun dan mengikat kudanya di tepi bantal dan tilam berlapis itu sambil datang ke hadapan Rustam dengan membawa senjata dan bertopi besi. Tetapi pegawai dan pengawal-pengawal Rustam mengherdikanya dan menyuruh beliau meletakkan senjatanya. Beliau pun membantah; Bukan aku yang minta datang ke mari tapi kamulah yang menjemput kami. Kalau kamu memberi kebebasan kepadaku membawa senjata bolehlah aku tinggal disini; kalau tidak biarlah aku pulang sahaja. Lalu Rustam pun mengarahkan pengawalnya supaya membiarkan sahaja beliau membawa senjata yang dimintanya. Lalu beliau pun masuk dan duduk sambil bertongkatkan lembing tajamnya di atas tilam empuk, sampai tembus berlubanglah tilam-tilam itu. Kemudian Rustam pun bertanya: “Apakah puncanya tuan-tuan datang berperang dengan kami?” Rab'a pun menjawab dengan tegas: “ Allah telah mengutus kami untuk menarik keluar sesiapa sahaja yang di kehendaki-Nya daripada pengabdian kepada sesama hamba Tuhan kepada pengabdian kepada Allah sahaja, dari kesempitan dunia kepada keselesaan hidup dunia dan akhirat, juga dari kezaliman agama-agama lain kepada keadilan agama Islam.”

Keadaan selalu berubah, musim silih berganti dan sekarang si Muslim menjadi orang yang di kalahkan dalam perjuangan, tapi perasaan agung dan mulia mesti tetap menghayatinya, tetap menyala dalam dadanya, tetapi menjiwai keyakinannya. Selama iman didadanya belum luntur dan keyakinannya belum pudar, dia tidak akan merasa dirinya rendah melihat kejayaan orang yang menang dan tidak silau menyaksikan sikap angkuh pihak yang berkuasa. Dia tetap yakin bahawa kekalahan yang di alaminya adalah untuk sementara sahaja dan saat saat kemenangan aqidah dan lambat laun akan tiba juga walau bagaimana gamat sekalipun keadaan, mujahid iman pantang melutut kepada pihak yang batil. Dia yakin seluruh manusia akan mati. Pejuang kebatilan akan mati juga walaupun mereka menang jauh sekali bezanya pejuang iman

mati syahid dan kembali kepangkuan Tuhannya; sedang pejuang kebatilan mati hina dan terus dihumban ke neraka pejuang iman sentiasa mendengar seruan Tuhan-Nya:

لَكِنَّ الدِّينَ . مَا وَاهُمْ جَهَنَّمَ وَيَبْسُ الْمِهَادِمَتَاعَ قَلِيلٌ ثُمَّ . لَا يَغُرَّتْكَ تَقَلُّبُ الَّذِينَ كَفَرُوا فِي الْبِلَادِ
نُزُلًا مِنْ عِنْدِ اللَّهِ وَمَا عِنْدَ اللَّهِ خَيْرٌ لِمَا . اتَّقُوا رَبَّهُمْ لَهُمْ جَنَّاتٌ تَجْرَى مِنْ تَحْتِهَا الْأَنْهَارُ خَالِدِينَ فِيهَا
بِرَّارٍ...

Maksudnya: *Jangan sekali-kali terpedaya oleh kebebasan orang-orang kafir bergerak di dalam negeri. Itu hanyalah kesenangan sementara, kemudian tempat tinggal mereka ialah jahannam, dan jahannam itu adalah tempat yang seburuk-buruknya. Akan tetapi orang-orang yang bertakwa kepada Tuhannya, bagi mereka syurga yang mengalir sungai-sungai di bawahnya sedang mereka dalamnya sebagai tempat tinggal, anugerah dari sisi Allah. Dan apa yang di sisi Allah adalah yang lebih baik bagi orang yang berbakti (Al Imran:196 -198).*

Walaupun masyarakat itu dikuasai oleh aqidah konsep, nilai dan realiti yang bertentangan dengan aqidahnya, ia masih terus juga memelihara perasaan agung dan mulia dan memandang masyarakat itu dengan pandangan kasihan dan dia masih terus berazam untuk membimbing masyarakat itu kearah kebenaran.

Biarpun kebatilan sedang popular, suaranya di dengar dan di patuhi; namun orang beriman tetap memandangnya melalui kaca matanya; ia tetap memandang yang batil itu tetap batil. Dia tetap mempertajam azamnya untuk berusaha menggantikan kebatilan itu dengan kebenaran, dan membebaskan masyarakat dari belenggu kebatilan itu.

Ketika masyarakat tenggelam dalam lubuk hawa nafsu, dan beraneka ragam maksiat dan hiburan, si mukmin menyaksikan kesemuanya dengan tenang dan penuh azam untuk mengubah keadaan itu dan untuk menyelamatkan anggota-anggota masyarakat dari bahana itu dan membawa mereka kejalan selamat, jalan yang diredhoi oleh Allah.

Setiap orang yang beriman yang berpegang teguh dengan ajaran agamanya akan berkeadaan seperti seorang yang menggenggam bara, dalam sebuah masyarakat songsang yang tidak menghiraukan agama, yang tidak mengenal erti kemuliaan yang hakiki, tidak menilai kesucian dan kebersihan. Walau semua orang mengejeknya mempersendanya. Namun orang beriman tidak merasa hampa dan kecewa melihat sikap seperti itu.

Firman:

رَبَّنَا إِنَّكَ جَامِعُ . رَبَّنَا لَا تَزِعْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ الْوَهَّابُ
النَّاسَ لِيَوْمٍ لَا رَيْبَ فِيهِ إِنَّ اللَّهَ لَا يُخْلِفُ الْمِيعَادِ

Maknanya: *Ya Tuhan kami, janganlah Engkau jadikan hati kami condong kepada kesesatan sesudah Engkau beri petunjuk kepada kami dan kurniakanlah kepada kami dan kurniakanlah kepada kami rahmat dari sisi Engkau kerana sesungguhnya Engkaulah Maha Perguniam. Hai Tuhan Kami sesungguhnya Engkaulah megumpulkan manusia untuk menerima pembalasan pada hari yang tiada keraguan padanya. Sesungguhnya Allah tidak menyalahi janji. (Ali Imran: 8-9).*

INILAH JALANNYA

النَّارِ ذَاتِ . أَبِ الْأَقْدُودِ قِتْلَ أَصَدَ . وَشَاهِدٍ وَمَشْهُودٍ . وَالْيَوْمِ الْمَوْعُودِ . وَالسَّمَاءِ ذَاتِ الْبُرُوجِ
وَمَا نَقَمُوا مِنْهُمْ إِلَّا أَنْ يُؤْمِنُوا . وَهُمْ عَلَى مَا يَفْعَلُونَ بِالْمُؤْمِنِينَ شُهُودٌ . إِذْ هُمْ عَلَيْهَا فُعُودٌ . الْوُفُودِ
إِنَّ الدِّينَ فَتَنُوا . عَلَى كُلِّ شَيْءٍ شَهِيدٌ الَّذِي لَهُ مَلِكُ السَّمَوَاتِ وَالْأَرْضِ وَاللَّهُ بِاللَّهِ الْعَزِيزِ الْحَمِيدِ
الْمُؤْمِنِينَ جَهَنَّمَ وَلَهُمْ عَذَابُ الْحَرِيقِ

Maksudnya: *Demi langit yang mempunyai gugusan bintang. Dan hari yang dijanjikan. Dan yang menyaksikan dan yang saksikan. Telah dibinasakan orang-orang yang membuat parit. Yang berapi [dinyalakan dengan] kayu bakar. Ketika mereka duduk disekitarnya. Sedang mereka*

menyaksikan apa yang mereka berbuat terhadap orang-orang yang mahal. Dan mereka tidak menyiksa orang-orang mukmin itu melainkan kerana orang-orang mukmin itu beriman kepada Allah Yang Maha Perkasa lagi Maha Terpuji. Yang mempunyai kerajaan langit dan bumi; dan Allah Maha Menyaksikan segala sesuatu. Sesungguhnya orang-orang yang mendatangkan cubaan [fitnah] kepada orang-orang mukmin lelaki dan perempuan kemudian mereka tidak bertaubat, maka bagi mereka azab jahanam dan bagi mereka azab neraka yang mem bakar. Sesungguhnya orang-orang yang beriman dan menjejarkan amal-amal yang soleh bagi mereka syurga yang mengalir di bawahnya sungai; itulah keberuntungan yang besar. Sesungguhnya azab Tuhanmu benar-benar keras. Sesungguhnya dialah yang menciptakan makhluk dari permulaan dan menghidupnya kembali. (Al Buruj: 1-16)

Sesungguhnya kisah penggali parit (Ashabul Ukhdud) bagaimana yang digambarkan di dalam suruh Al Buruj ini sangat mustahak direnungi dan diperhati oleh orang beriman yang menghayati dakwah ke jalan Allah disegenap tempat dan generasi. Cara Al-Quran mengemukakan kisah ini dengan gaya bahasa yang mengandungi muqaddimah, latar belakang, huraian dan ulasan serta pengesahan dan arahan-arahan.

Kebetulan pula ayat-ayat mengenai peristiwa ini tidak menyebut bagaimanakah nasib orang-orang penggali parit itu di atas dunia ini sesudah mereka melakukan perbuatan yang kejam ini. Apakah tidak balas Allah ke atas mereka. Adakah Allah mengambil tindak balas seperti tindak balanya ke atas kaum-kaum Nabi Nuh, Nabi Hud, Nabi Salih, Nabi Syu'ib dan juga Nabi Lut, ataupun Tuhan membalas mereka seperti balasan yang menimpa Firaun dan kaumnya.

Diantara berbagai contoh bandingan yang dikemukakan itu ialah yang berbentuk seperti ini. Contoh seperti ini amatlah penting untuk menjadi panduan orang beriman dan para pendakwah; supaya para pendakwah yakin, bahawa kadang-kadang mereka pun perlu menghayati risiko dan kesusahan yang dihadapi oleh orang yang beriman di dalam cerita penggali parit itu dan juga kemenangan pihak yang ingkarkan Allah menjalankan kuasanya sesuka hati mereka dengan sikap sombong mereka menjejek akidah Islam dan menginjak akidah dan konsep agama.

Kadang-kadang setelah berlalu beberapa abad atas sesuatu peristiwa itu, barulah Allah menyingkap tabir rahsia mengenai hikmat yang tersembunyi disebalik sesuatu peristiwa yang tidak dapat diselami oleh manusia sezamannya; mungkin kerap kali bertanya sesama mereka: Mengapa! Mengapa wahai Tuhan kejadian ini berlaku! Pertanyaan seperti itu dengan sendirinya menunjukkan sikap jahil lumrah pada orang kafir ditolak oleh orang yang beriman yang yakin bahawa tentu ada sesuatu hikmah kebijaksanaan Allah disebalik kejadian itu, dan bahawa lapangan jihad dan dakwah itu sangat luas dengan demikian dia tidak perlu banyak menyoal Allah atas sesuatu peristiwa dan kejadian, bahkan hendaknya diterima dan dihadapinay dengan penuh sabar.

Kita masih sahaja dapat menyaksikan usaha menyelewengkan panji-panji perjuangan yang di lakukan oleh gerakan Kristian Antara Bangsa dengan motif memesongkan pandangan kita mengenai hakikat perjuangan dengan tujuan memutar belitkan fakta sejarah mereka usahakan memberi gambaran kepada kita bahawa perang salib yang berlaku ratusan tahun antara umat Islam dan Kristian itu adalah kononnya merupakan tirai kepada penjajahan barat bukan demikian; sebab hakikat yang sebenarnya penjajahanlah yang merupakan tirai dan pelindung kepada roh perang salib yang sekarang ini tidak berdaya lagi membuka dadanya seperti berlaku diabad-abad pertengahan dahulu; kerana roh perang salib itu telah hancur berkecai dihendak oleh batu pejal akidah Islamiah di bawah pimpinan orang Islam yang berasal dari berbagai-bagai keturunan. Diantara pemimpin-pemimpin ialah Salahuddin Al Ayyubi berketurunan kurdi, Tauran Syah keturunan Mamluk, yang telah meleburkan faham kebangsaan dan perkauman masing-masing dan memegang teguh akidahnya, lalu beroleh kejayaan di bawah panji-panji akidah.

Ingatlah sentiasa pesanan dan arahan Allah ini:

وَمَا نَقَمُوا مِنْهُمْ إِلَّا أَنْ يُؤْمِنُوا بِاللَّهِ الْعَزِيزِ الْحَمِيدِ

“Mereka tidak menyiksa orang-orang mukmin itu melainkan kerana orang-orang mukmin itu beriman kepada Allah Yang Maha Perkasa lagi Maha Terpuji.”

Maha benarlah Allah Yang Maha Tinggi dan Maha Besar, dan besarlah dusta musuh-musuh yang penuh dengan penipuan dan penyelewengan!